


Gii-nibod giizis izhinikaade – Ode’imini-giizis 10, 2021

Wiiba Ode’imini-giizis izhiseg 10, 2021, gi-ga-waabandaan gichi-gegoon, ji-nibod giizis ishpiming. Gaawiin aapiji nasine owe izhisesinoon, aabiding eta awiya obimaadiziwing!


GEGO WIIKAA GANAWAABAMAAKEN GIIZIS AANAWI MEGWAA NIBOD GIIZIS. BIZHISHIG AABAJITOON OSHKIINZHIGOKAANAN GAA-INWAADEGIN JI-AABADAKIN.

Wegonen iwe gii-nibod giizis?

Nibo giizis ikidowag anishinaabeg gii-bimi-ayaad dibikigiizis nisawiya’ii giizisong gaye gidakiiminaan, amii dash ezhi-aagawaateg imaa akiing. Aagawaate. Aanyoolar gaa-nibod giizis izhinikaade owe, gi-ga-waabandaan gegoon ji-naagwag dibikigiizison giizhigong megwaa giizhigak.




Aaniin ge-izhiseeg Ode’imini-giizis 10, 2021 izhiseeg?



Ngojigo niizho diba’igan owe da-naagwan. Gi-daa-ganawaabandaan gakina iwe, maawach dash ge-maamakaazinaagwak ajina eta iwe da-naagwan. AABAJITOON INI OSHKIINZHIGOKAANAN GAA-INWAADEGIN JI-AABAJICHIGAADEGIN ji-ganawaabamad giizis nibod. Gi-ga-minwaabandaan!

Weweni ji-izhichigeyin

Gaawiin gegoon gi-ga-izhisesii ji-ganawaabamad ji-nibod giizis giishpin gigishkaman ini oshkiinzhigokaanan iwe gaa-inaabadakin, gaawiin aaniish iwe gaa-jaagizowemagak giizis inaatewin gi-ga-jaagizogosiin. Giin zhigo gidinawemaaganag ayaayeg agwajiing ini oshkiinzhigokaanan gakina awiya ji-waabmaad giizisoon nibonid.



Gego wiikaa ganawaabamaaken giizis gigishkanziwan ini oshkiinzhigokaanan, aanawi megwaa nibod giizis, gi-ga-jaagizog awe giizis, gaawiin dash aapiji gi-ga-wabisii ge-akobimaadiziyyin iwe izhiseyin. Weweni naagaji’ abinoojiiyag ji-ganawaabamaasigwaa giizisoon, gego gaye aabajitooken ini oshkiinzhigokaanan giishpin gaa-gaashkibijigaadegin.

Giizis nibod da-izhisemagan bebakaan apii aaniindi go ayaayin. Gi-daa-mooshkinebii’aan owe mazina’igan ji-wiji’ig gaa-gikino’amaag, gemaa giwijiwaaganag gemaa gidinawemaaganag:

Aaniindi ezhidaayin?	Apii ge-maajii-nibod Giizis	Apii maawach Ge-nibod Giizis	Apii ge-ishkwaa-nibod Giizis